

文苑英華卷第八百七十一

碑二十八

紀功一

贈太尉段秀實紀功碑一首

西平王李晟東渭橋紀功碑一首

幽州紀聖功碑一首

贈太尉段秀實紀功碑序

德宗

立人之道曰君與臣為臣之義曰忠與節忠莫極於衛國
節莫大於忘身存其誠德貫乎天地致其功用施于社稷
獨斷勦兇慝之命沉謀安宇宙之危其智勇足以拯時其
義烈足以弘教非吳穹錫慶敷佑皇家重振紀綱再激汗
俗何遘迤之會而獲見斯人開府儀同三司檢校禮部尚



書兼司農卿上柱國張掖郡王段氏名秀實字成功應期
降生扶翼唐祚稟陰陽之粹氣備剛柔之全德體正明道
從時卷舒蓄為淳和發為功烈朕宅帝位之五載孟冬十
月賊臣朱泚反天悖人因時多虞乘我無備誘聚叛卒作
亂于京師朕深惟罪已之誠遠避狄之義駕自中禁符
于近垆賊陰謀為奸陽言示順以公曾任涇帥素得士心
採諸衆情引以自助公感時悲憤思定大業謂復國安人
由已不可以顧私謂開物變化在權不可以虛死畧匹夫
之褊介蘊曠代之宏規內貞其心外混其跡且控察元惡
情狀將因而圖之賊果不疑委以心腹一作邊發兇黨謀
襲我師公詭說以詞止之不可及疑作竊取官印假為與

符急追寇軍不遠而復銷禍紓難陰陽若神于時物情危
疑忠邪莫辨卒乘未輯軍旅未完微公之謀吾幾茂濟既
而密結勇敢誓殲寇讐決策尅期中外發應會賊泚召公
計事引入閣中露其姦情言及僭竊公氣填膺臆植髮衝
冠仰天大呼玄鑒何昧孰為臣子而忍是心語未絕音奮
笏前擊兇徒敗面既躡而奔左右愕然初未敢動繼者不
至事遂無成逆徒交鋒因而遇害嗟乎天生萬物唯人最
靈稟元氣之精鍾五行之秀是宜守正居順移孝資忠君
君臣臣父子各履於達道同臻于太和天乎不融生
彼狂悖神乎不惠喪我忠貞靜言思之輟饋忘寤詳求其
理抑有以焉茲朕不明敗德招損故列聖垂祐儆戒于予

則泚之亂所以懲旣性勗將來禮教陵夷風訛俗弊故上帝玄一作降鑒聳動于人則段公之死所以勵當今傳不朽也訪彼前史稽諸昔賢全大節者不必成功建大功者或未立節非節不可以裨教非功不可以持危義實相須事難竝備吉甫以文武翼周室宣王中興絳侯以智謀安劉氏文皇紹立茂功著矣而節未可稱董卓脇國以擅威伍孚刺之而不畏王敦擁衆以稱亂周顛折之而無疑竒節偉矣而功竟不就至若屈伸合變進退知機智以遂其謀勇以決其死功與時竝節與名偕法疑古已還無公儔比貞烈之至通於神明桀鰲聞之而動心仇讐感之而不怨死於義而義著忘其家而家全行路悲懦夫增氣矧予之慟其可弭忘且人之所愛者身也國之所重者位也公能殺身徇國朕得不以重位報之哉乃詔有司用贈太尉謚曰忠烈賜實封五百戶莊宅各一所嗣子授三品正員官諸子各授五品正員官表其閭里門閭護其喪葬官立祠宇史載忠勲哀榮之典備矣君臣之義極矣公始以天寶四載奮筆從戎才爲時生官由才達得司馬戰陣之法參將軍帷幄之籌累典方州更踐臺寺出擁旄節入爲卿士位歷十七歲踰三紀封王列於異姓開府比於台司參職六官食賦百室言不伐善薦常下人恒持順信之規罔居疑悔之地利刃在手投節皆虛貞松有心老而彌勁吞大憝於方寸之內定危疑於晷刻之間力可屈而志不可遷身可

殺而節不可奪所謂有始有卒為臣之極致者歟日月有期宅兆云畢身歿功在凜然如山勒銘傳芳終古不滅以志吾過且旌善人銘曰

浩浩上天四序唯均氣或埋鬱過一作為災氛否不可終

必復元亨洗以膏雨播之祥雲濟濟蒸人五常是則時或迤難乃生兇慝亂必有定允歸皇極拯以茂勳輔之明德勲德克崇茲惟段公實天降靈寧保朕躬日月蔽虧宇宙昏蒙罔然明誠獨誓深忠豺狼為群狎逞志咆哮奔突乘我未備公飛尺符橫制醜類變化若神邦家不墜元惡大憝誘姦作狂竊器僭名反易天常公獨挺身奮擊暴孽烈烈英武歿而彌彰義振名教功存社稷贈極上台賞

真食省咎祗畏懷賢憫惻刻銘豐碑昭示萬國

西平王李晟東渭橋紀功碑

同前

天有柱以正其傾地有維以紐其絕皇王有輔佐以濟其艱難非命曆所歸不得生良弼非君臣相合不能集大勳非暴亂弘多不足表忠節非奸猾熾熾不克展雄才天與事一有君字肆會然後臣功著而王業興焉高祖太宗拓跡垂統掃乾坤之沴氣一作拯生靈之塗炭其受命也正其布澤也寬六宗丕承克廣前烈雖遇屯否化危成安二百年間五夷大難由內以正宸極者再自外而復都邑者三山岳降神雲龍叶契繼生賢哲保定邦家神龍中諸武擅權甚疑作甚基問王室則有若扶陽王彥範等推戴中宗紹復洪

業景龍末，嬖帝窺國，瀆紊乾綱，則有若徐國公幽求等。左
右玄宗，掃除兇穢，天寶之季，盜起幽陵，翠華南征，潼關不
守，廣德之際，戎軼邠郊，皇輿東巡，鄴宮罷警，則有若尚父
子儀等，殄殪醜逆，冊肅宗于岐，攘却蕃夷，翊代宗于陝，建
中四祀，寇發上京，暴蔑人神，僭稱名器，則有若西平王晟
等，剪滅大憝，廓清中區，惟茲數公，異時同德，道濟于社稷，
勲書於鼎彝，唐之得人，於斯為盛，東渭橋，抵玉城，東北四
十里，而國之廩積在焉，始晟於此，駐孤軍，糾群帥，俟時而
動，一舉成功，予是用揚其美，而紀其功，以明事之有因，謀
之有素也。粵若菲德，嗣膺大寶，化垂柔遠，明不燭幽，淮右
賊臣，提一作兵犯順，憑陵汝服，震壓洛師，朕憫將吏之愛

汙，哀烝黎之無訴，罔思衛已，姑功矜靖人，亟發禁師，東征不

軌，猶慮勝敵之未勇，一作果，乃徵涇師以繼之，賊此畜姦，覲

隙，乘便餌誘，貪卒扇結，暴徒伺其不虞，謀聚犯闕，朕引咎

出次，薄犯二畿，封豕長蛇，穴處宮廟，磨牙噴毒，噬螫害人，

晟特總偏師，遠戍河朔，曾不俟召，聞難，駿奔鼓義，勇仗順

之師，吞敗亡稔惡之寇，雄威勝勢，疾若飈馳，屬賊帥昏迷

恃衆，貪亂誘我蠢賊，連謀內逼，朝廷載遷，關河長擾，豺狼

塞路，昇澆爭驅，人煙絕於井邑，陰燐交於田野，物情大駭，

盪然靡依，晟乃設會軍門，哭而誓衆，國讐不滅，無以身為

遂發，感激嗚咽，流涕天地，為之變色，將帥為之動心，軍中

較然，知有逆順，晟乃一作度公積計，私課程，賞典定刑章

別本作鼓聲

行令自身錄功先下由是勇者奮力智者効謀其氣增倍
 其心如一屹立堅壁于渭之陽姦逆畏威而震懼忠義奮
 氣而聳慕分二兇之勢不敢相附為諸鎮之接俾得自堅
 晟之力也二月守暨乎夏五月晟知衆心可用乃揀日饗
 士乙未陳師于東郊如虎唐如豹如熊如羆兇徒接戰累
 合皆北倒戈棄甲罔敵我師乘而殪之摩壘而止戊戌方
 旭連營進攻賊衆相驚股戰魄駭登陴而不敢拒闔門而
 不敢窺晟仗鉞啓行執桴親鼓塞也隍塹排墻垣勝氣
 兆於風雲威聲振於原野指顧摧靡盪無孑遺布朝旨以
 寬脅從勵臣節以誅同惡乾軸傾而復紐皇維弛而更張
 遷易聲為好音變袂履為和氣然後閑戎律釐軍容不誼

傲 不譁有嚴有翼搜苑囿殄遺寇清宮門授彼有司

言于衆曰龔行天討將以遏亂畧去人害王師所至歌舞

從之其或矜勇恃勲作威肆掠是則以暴易暴夫何賴焉

懋功有恒賞遺禁有常罰惟國之令典不得以贖論敢犯

令者殺之無捨爰擇便地引軍出屯馬無錯群士必成列

尅敵彌日都人莫知徐命有地之官同一作周諭鄆里士庶

聞巨猾之殲殄而我師壺觴犒軍如恐不及者若赤子之

保慈母涸鱗之赴洪波或欣而呼或感而泣吾是以知烈

祖積德人懷其深賢臣佐時功濟斯美晟有興運之畧有

匪躬之誠有定亂之勲有禁暴之德俾予從父垂拱仰成

乃冊拜司徒兼中書令加實封一千戶錄功第一序位居

首事業編乎史冊德輝流乎頌聲入為夔龍出作方召贊
賀一作贊徽烈中外具瞻而晟居高牧卑辭滿守約崇讓而
勲閎彌耀惡盈而福祿攸歸斯又明哲之規慎終如始者
也夫制敵在謀不在衆感人以義不以威當天地屯蒙邦
家離析援孤者踣黨勝者強群心囂囂靡所止戾若風動
中野波騰滄溟從而拯之豈易為力于時馬不滿百駟兵
不盈萬人無郡邑土田之資無城池險阻之固獨立不懼
氣吞群兇以盡忠誓心以必死勵已以大順率衆以至誠
動天衆心攸同天意允答故措軍散地而不可拔致討勅
寇而力有餘國危能安軍勝能整古所謂衛社稷者晟其
當之播揚休風篆刻貞石俾厥後嗣無忘乃功銘曰

赫矣我唐受天眷命祖功祖德浸澤儲慶窮海請吏遐
稟令寧一九服惠康萬姓三五以還莫之與盛迨予不類
辱守丕圖燭理匪時立誠未孚蠢爾孽臣扇茲潰徒震驚
朕師黷穢皇都宇宙沸騰人神睚眦重以統戎誘姦同貫
播遠斯載歲聿云半天旣悔禍人胥厭亂乃錫元臣夷兇
剪叛昏侵茫茫橫流湯湯捷然孤軍在渭之陽我城非完
恃順為防我旅非衆同心為強由義率人人皆嚮方萬事
如一爭先啓行拗憤求逞畜威斯張力足勢全時惟鷹揚
以戰則克以謀則臧指麾之間群醜潛亡鯨鯢旣平宮室
旣清軍伍無聲都人不驚成功禁暴自昔稀有寔天生德
彰于厥後洋洋令名茲為不朽

幽州紀聖功碑銘序

李德裕

幽州盧龍軍帥檢校尚書左

集作右

僕射張公仲武往年脩

獻捷之禮今歲有銘勳之請二者君子躋之豈不以諸侯

有四夷之功獻其戎捷春秋舊典也宗周納肅慎之貢銘

於楛矢天子令德也斯可以為元侯表可以為後代法聖

上嘉其動而中禮乃命宰臣採其尤

集本文粹作元

功傳於博史

臣德裕敢颺言曰夫兵者所以除暴害也愛人則惡其為

害禁暴則惡其為亂雖睿智不殺化之以神至德名懷招

之以禮然書有緝夏之戒傳有脩刑之訓虞舜四征

二本作罪

乃成大功文王一怒以至無侮非德教之助歟仁聖文武

章天成功神德明道大孝皇帝熙我大

二本文典煥而

三本作乎

光明極象外之微臻於至道鼓天下之動致於中和慮必

鈎深退而藏密故能神幾獨照伐未兆之謀威光遠震制

不羈之虜當其時也烽燧迭驚

二本作警

羽書狎至人心大搖

群帥

二本作師

沮氣皇帝以軒后之威神漢高之大畧光武之

雄斷魏祖之機權合而用之以定王業此議臣之所以延

廷字二本

作不敢望於清光也倬哉天地應而品物生君臣應而

功業成故龍躍而雲從鶴鳴而子和方叔伐獫狁蠻荆來

威安遠擊車師西域震服宜有良將殿于朔邊張公禮閣

戰器書成傳癘張仲孝友子孺塞泉

二木作淵唐諱

留落

見漢書二木作

流不偶光景未耀明主雅聞竒志持印而拜將軍選推赤

心築壇而命元帥拔自雄武授之薊門果能精誠奮發策

慮福憶二木作千里獻壽一心憂國則知龍顏善將任人

傑而不疑日角好謀歎敵國而強意回鶻者本北狄之裔

也或曰德稅或曰山戎五帝所不能臣三王所不能制前

史載之詳矣暨薛延陀之敗也酋帥吐迷度率眾款塞太

宗幸靈武納降立迴鶻部落置瀚海都督因我封殖遂雄

北方代集作肅是宗之戡內難也葉護以射鵰之士親扈戎旌

亦由羞髮率師以翼周北貊梟騎以助漢既滅大憝乃疇

厥功集作庸特拜葉護司空歲賜絹二本二萬疋厥後歸宗

女以配之立宮室以居之其在京師也淫集作祠雲構甲

第基布棟宇輪奐衣冠縞素交利者風偃挾邪者景附其

矧集作侯貴種則被我文纒帶我金犀悅和音馱珍膳竭

蠹上國百有餘年既而桀鰲無親天命不祐僭侈極欲坤

道惡盈本國荐饑畜產耗半黠曼斯因利乘便遂焚龍庭

區文粹落蕭條陰燐青燐今之烏介可汗亡逃失國竊號

沙漠非我冊命自為假王其來也瀰漫陰山二本睨高

闕玄塞之下氛霧蔽天質貴主以前驅依大國而求援或

丐我米糒救其饑人或邀我甲兵復其故地外雖柔服內

有桀心因行人置辭徵呼韓故事願居光祿塞急保受降

城其下有二部曰赤心宰相那頡啜特勒赤心者天性忿

鷲戎馬尤盛初與名王盟沒斯首謀內附俄而負力怙氣

潛圖亂集作厲階為盟沒斯所給文粹招誘以俱謁可汗戮於

帳下其眾大潰東逼漁陽上乃賜公璽書問二本以方畧

公以室常悍函二本之兵近我邊鄙俾其偵邏且禦內侵

尋以微役不供為虜所敗由是介馬數萬連亘幽陵伏精

甲於松櫛布穹廬於磧鹵散若飛鳥止如長雲火燎于原

不可嚮邇公激義氣以虹貫發精誠而石開竒計兵權密

授髦雋乃命介弟仲至與裨將游奉寰王如清左敵萬李

君慶張自榮高守素李志操率銳兵三萬建旆而前介胄

雪照戈矛林植命以義殉壯由師直聲隆隆而未洩欲逐

逐而不食戢以聽命嚴而有威公曰險道傾仄且馳且射

胡兵所以無敵也致之平原勒以方陣我師可以逞志也

於是據于莽平環以武剛首尾虵伸左右翼張輕騎既合

竒鋒橫驚如摧枯株如搏畜兔攝讐者弗取陸梁者盡二本

皆作虜侯王王集作貴人計以千數然後盡眾服聽悉本

二本纒谷靜山空靡有孑遺橐駝馱馱風澤而散旃墻罽

幕布野畢收馬牛幾至於谷量虜血殆同於川決徑路寶

刀祭天金人竒貨珍器不可殫論乃命從事李周瞳馳傳

上奏又命牙門將周從玘繼獻戎俘皇帝受而勞之群臣

畢賀昔長平七征驃騎六舉實憲令集作氏羗之眾陳湯

檻城郭之兵或生靈減耗士馬物故文粹作或文粹無邀

功救罪矯命專征然猶告類上帝薦功清廟顧視二漢不

其慝歟以公威動蠻貊功在漏刻因命公為東面招撫回

鶻使先是奚契丹皆有虜使監護其國責以歲遺且為漢

謀自回鶻嘯聚靡不鷓張公命裨將石公緒等諭意兩部

文苑英華 卷一百一十五 六

戮回鶻八百人雖介子討罪於龜茲班超行誅於鄯善未足儔也回鶻又遣宣闕二本將軍等四十七人詭辭結歡

潛伺邊隙公密賂其下盡得陰謀且欲馳入五原大蜀本作盡

毆雜虜公逗留其使緩彼師斯竟得人病馬瘠縮衄而退

挫銳解紛繫公善計今烏介自絕皇澤莫敢近邊并丁零

二本以圖安依康居而求活盡徙餘種屈意黑車寄託遠

遁流離饑凍黑車亦倚其威重迫脅諸戎造謀藉文粹兵

解仇交質自謂約齎二本深入漢將取而未期渡漠二本

輕留王師往而非利公以壯猷遠御集作長計羈縻不媮

便嫵之使二本終盡致集作終敵之術將時動而得

雋豈歲數而勝微矧乎明主杖集作將帥為爪牙視戎狄

為田二本瑰方獵猛敵不翫細娛非周宣無以成武

唐諱之勲非漢宣無以聽營平之計勗哉上將光我中興

公前後受降三萬人特勒二人可汗涕一人大二本無都

督外宰相四人其他裨二本王騎將不可備載王褒以日

逐歸德稱為人瑞班固以稽落盪寇大振天聲孰若天子

神武百蠻震疊集作乘其蹙國集作臨以兵鋒割單于之

旗納休屠之附非萬里之伐無三年之勤魏乎成功輝焯

後代宜刻金石以揚鴻休銘曰

太和之初赤氣霄興開成之末大弗雲凝二本異鳥

南來胡滅之徵北夷颯掃厥國土崩逼迫遷徙震我邊鄙

長蛇去穴奔鯨失水上郡二本薊門近集作連千里曾不

李

畏天猶為驕子巧我邊穀邀我王師假我一城建彼幡旗
 歸計強漢郅支嫚辭狼顧朔野伏莽見羸鴈門之北羗戎
 雜處澌澌群羊茫茫大鹵縱其梟騎驚我牧圉暴若豺狼
 疾如風雨皇赫斯怒羽檄徵兵謀如泉默斷乃霆二本雷聲
 沉機變化動若神明沙漠之外二本虜無隱情漁陽突騎
 燕歌壯氣赳赳元戎耽耽虎視金鼓誓衆干旄蔽地爰命
 介文粹作其弟屬之大事翩翩飛將董我三軍稟兄之制代帥
 之勤威掠二本作畧火烈胡馬星分戈迴日日劔薄寒二本作浮雲
 天街之北旄頭已落絕轡之野蚩尤未縛俾我元侯恢弘
 遠畧終取集作取彼單于係之徽索陰山寢烽亭徽繫弓萬里
 昆夷集作吾九譯而通蠻夷既同天子之功儒臣象美刊石

燕鴻

授正三十五字 六月初七日抱素書屋

文苑英華卷八百七十一

文苑英華卷第八百七十二

碑二十九

紀功二

平淮西碑二首

平淮西碑

韓愈

天以唐克肖其德聖子神孫繼承

集作繼

於千萬年傲新唐

善藩鎮傳作敬

戒不怠全付所覆四海九州罔有內外悉主悉臣

高祖太宗既除既治高宗中睿休養生息至于玄宗受報

收功極熾而豐物衆地大孽茅其間肅宗代宗德祖順考

以勤以容大慝適去稂莠不

集作已

媻相臣將臣文恬武嬉

習熟見聞以為當然睿聖文武皇帝既受群臣朝

集本唐書有乃

字考圖數貢曰嗚呼天既付予令

二本作天既全付予

有家今傳次

在予予不能事事其何以見乎二本郊廟群臣震懾走職

二本集作明年平夏又明年平蜀西川又明年平江東又

明年平澤潞遂定易定致魏博具衛澶相無不從志皇帝

曰不可究集注武予其少息九年蔡將死蔡人立其子元

濟以請不許遂燒武陽犯葉襄集有城以動東都放兵四

劫皇帝歷問于朝一二二本有臣皆曰蔡帥之不廷授於

二本今五十年傳三姓四將其樹本堅兵利卒頑不與他

等因撫而有順且無事大官臆決唱聲萬口和附并集注

為一談牢不可破皇帝曰維天維祖宗所以付任予者庶

其在此予何敢不力况一二臣同不為無助曰光顏汝為

陳許帥維是河東魏博邵陽三軍之在行者汝皆將之曰

宜州汝故有河陽懷今益以汝維是朔方義成陝益鳳翔

延慶二字唐書作七軍之在行者汝皆將之曰弘汝以卒

萬二千屬而予公武集集本無往討之曰文通汝守壽維

是宣武淮南宣歙浙西四軍二字唐書作之行于壽者汝

皆將之曰道古汝其觀察鄂岳曰愬汝帥唐鄧隨各以其

兵進戰曰度汝長御史其往視師曰度惟汝集注有予同

汝遂相予以賞罰用命不用命曰弘汝其以節集注有都

統討唐書軍曰守謙汝出入左右惟汝二本近臣其往

撫師曰度汝其往飲食二字唐書作衣服予士無寒無饑

以既厥事遂生蔡人賜汝節斧通天御帶衛率二本三百

九茲廷臣汝擇自從惟其賢能無憚大吏庚申予其臨門

送汝曰御史子閔士大夫戰甚苦自今以往非郊廟祠祀

其無用樂顏胤武合攻其北大戰十六得柵城縣二十三

降人卒四萬道古攻其東南八戰降集有卒字萬三千再入申

破其外城文通戰其東十餘遇降萬二千愬入其西得賊

將輒釋不殺用其策戰皆二本有功十二年八月丞相度

至師都統弘責戰益急顏胤武集有合字戰益用命元濟盡并

其衆廻二本作洄曲以備十月壬申愬用所得賊將自文城因

天大雪走走字二本疾馳百二十里用夜半到蔡破其門取元

濟以獻盡得其屬人卒辛巳丞相度入蔡以皇帝命赦其

人淮西平大饗賚功師還之日因以其食賜蔡人凡蔡卒

三萬五千其不樂為兵願二本為農者十九悉縱之斬

二本
作左

元濟集有字京師開功弘加侍中愬為右僕射帥山南東道

顏胤皆加司空公武以散騎常侍帥廊坊丹延道古進大

夫文通加散騎常侍丞相度朝京師道唐書封晉國公進

階金紫光祿大夫以舊官相而以其副總為工部尚書領

蔡任既還奏群臣請紀聖功被之金石皇帝以命臣愈臣

愈再拜稽首而獻文曰

唐承天命遂臣萬拜二本作方孰居近土襲盜以狂往在玄宗

崇極而圯河北悍驕河南附起四聖不宥屢興師征有不

能尅益戍以兵夫耕不食婦織不裳輸之以車為卒賜糧

外多失朝曠不岳符百隸怠官事亡其舊帝時繼位顧瞻

咨嗟惟汝文武孰恤予家既斬蜀吳旋取山東魏將首義

六州降從淮蔡不順自以為強提兵叫譴欲事故常始集乃命討之遂連奸鄰陰遣刺客來賊相臣方戰未利內驚

京師群公集作上言莫若惠來帝為不聞與臣為謀及注

乃相同德以訖天誅乃勅顏胤愨武古通咸統於弘各走

爾二本作功三方分攻五萬其師大軍唐書北乘厥數倍

之嘗集作兵時曲軍士蠢蠢既剪凌雲蔡卒大窘勝集作

注作之邵陵郢城來降自夏入秋復集作屯相望兵頓不

礪二本告功不特帝哀征夫命相往釐士飽而歌馬騰於

槽試之新城賊遇敗逃盡抽其有聚以防我西師躍入道

無留者頌頌蔡城其疆千里既入而有莫不順俟帝有恩

言相度來宣誅止其魁釋其唐書下人蔡之卒夫投甲

舞蔡之婦女迎門笑語蔡人告饑船粟往哺蔡人告寒詔

賜二本以集作繒布始時蔡人禁不往來今相從戲里門夜開

始時蔡人進戰退戮今眠蜀本而起左殮集作右粥為之

擇人以牧餘僊選吏賜牛教而不稅蔡人有言始迷不知

今乃大覺羞前之為蔡人有言天子明聖不順族誅順保

性命汝不吾信視此蔡方孰為不順往斧其吭九叛有數

聲勢相倚吾強不支汝弱奚恃其告而長及汝父兄二本

父而奔走來偕集作偕來同我太平淮蔡為亂天子伐之既伐

而饑天子活之始議伐蔡卿士莫隨既伐四年大小竝疑

不赦不疑由天子明九此蔡功惟斷乃成既定淮蔡四夷

畢來遂開明堂坐以治之

同前

段文昌

夫五兵之設本以助文德而成教化故聖人不專任之其
 有桀鰲暴邪干紀作孽道德不服則兵以威之文誥一作告
 不論則兵以靜之在禁暴除害而已自黃帝堯舜不無能
 誅至湯武受命武功寔盛其本之以仁義行之以吊伐惟
 帝與王率由茲道於戲創業之君勞而後定守文之主安
 而忘戰故三代之衰功在五伯未有中葉之後再安生靈
 前古所無歸于聖代我唐運之興也高祖太宗以仁義之
 兵除暴隋之亂戎功祖武百代丕承玄宗嘗亦內剪奸邪
 外清夷狄所以繼文之代協帝之明既而禍起於微亂生
 於理由是隴髀之累結固於兩河斤斧不用綿歷于五紀

肅宗代宗

二字無此

親剪大憝且務生育德宗順宗觀于天

象察於人事以理運未至沴氣猶凝運啓昇平以俟後聖
 惟我后握樞出震端宸嚮明考上玄之心思祖宗之意掃
 滌區宇光啓帝圖不以萬乘為尊四海為富遵大禹櫛風
 之志有光武一夜之勤以為景擒七國而漢民安成剪三
 監而周化洽焉有患難未去而德教可興日者李一作琳
 恃近狄之固劉闢憑坤維之險李錡保長江之衝從史資
 太行之阻四兇相挺一作翦繼為亂常三數年間盡膏鉄鎖
 太尉茂昭以中山之地盡室來朝司空弘正以全魏之邦
 舉宗向闕義風所激莫不歸心况彭城從折簡之召一作名非
 橫海展執珪之覲向之談虞虢之存亡議輔車之形勢莫

不剗心斷臂繼踵為忠既而麟見於巴賓之間河清於鄘
衛之際固本根一作固之貺昭聖祚之符廓清寰海兆於

此矣而長淮右地連山四起控接一作扼吳楚密邇輟轅有

上帝濯龍之池同冀方多馬之國戈鋌雪照駟駿雲屯二

姓三兇憑阻作孽歲在甲午吳少誠積禍而斃餘殃聚於

逆嗣氛侵淮濱我后方吊人省寃墾災除穢猶命使者持

節往申寵賻以昭柔服之義示含弘之仁元濟劫衆拒境

滔天肆逆剽葉縣燒舞陽侵襄城伊洛之間騷然震恐乃

詢廷議咸願假以墨經授以兵符天子泉一作淵默以思

霆馳以斷獨發宸慮不詢衆謀漢宣從屯田之議晉武決

平吳之計至聖不惑群疑自消於是會鳧藻之師得鷹揚

之帥以忠武二字一作中軍帥李光顏往者平朔邊靜庸蜀雙

矛電激孤劔颯馳亦猶馮異之總軍鋒子顏之將突騎才

氣雄武可掃攬槍總魏博河陽郟陽九三軍自臨穎而前

以河陽軍帥烏重胤當從史內誅一作誅邪謀外阻兵勢精

誠奮發密一作獨應王師故得虜魏豹於軍中縛呂布於麾

下識慮中正可革梟音益以汝海之地總朔方義成陝虢

劔南西川鳳翔延州寧慶九七軍由襄陽而進宣武帥韓

弘請以子公武領精卒一萬二一作三千時集洄曲一作樂書作

帥鉞為戎右克國討虜印統支軍是能從帥之命成父之

志又以壽春守李文通夙精戎韜累習軍旅明於守備可

保金湯總宣武淮南宣歙浙西徐泗九五軍阨固始之險

一作洄
下同

以鄂岳都團練使李道古以先曹王臯有任城之武昔征
兗渠嘗取安陸授以戎柄嗣其家聲乘五關之隘以唐鄧
隨帥李愬溫敏能斷靜深有謀昔趙孟慕成季之勲復能
霸晉亞夫紹絳侯之武亦克擒吳想其英徽必有以似一作
嗣山南東道荆南九兩軍自文成而東乃命御史中丞裴
度布挾纘之恩奉如絲之命以諭群帥以撫輿師且以古
之會兵必謀元帥令歸於一勢不欲分命宣武軍帥韓弘
為諸道行營都統假陸遜之鉞拜韓信之壇指縱一作畫
竒正之機發號申嚴疑之令然後有司馬之法成一無節
制之師而寒暑再罹賊巢未下又命內掌樞密之臣梁守
謙肅將天威盡護諸將懸白日於千里推赤心於萬人由

是其寧奮升城之勇君文勵擊鄧堰一作非之志焚上蔡以剪

其翼拔郟城以扼其吭以軒后攻蚩尤之城一作亂殷宗伐

鬼方之罪周公誅淮夷之叛雖以聖討逆皆三年後定百

辟之義且謂久勞將決其機以安海內復命丞相裴度擁

一作淮蔡之節撫將帥之臣分鄧禹之麾施盛竇憲之幕

府四牡業業于藩于宣先是光顏重胤公武戎旅同心壘

垣齊列常一作長非蛇之勢首尾相從胡騎之雄紛紜縱擊逐

餘孽如鳥雀獵殘寇似狐狸干矛如林二字一作杖行次于洄

曲丞相之來也群帥之志氣逾厲統制之號令益明勢如

雷霆功在漏刻賊乃悉其精騎以備洄曲之師唐隨帥李

愬新總傷痍之軍稍勵奔北之氣城孤援絕地逼勢危而

...

一作而

一作史非

能養貔虎唐之威未嘗矍視屈鷲鳥之勢不使露形是以

收文成柵而一作降吳秀琳下與橋而擒李祐果敢多畧衆以

留之或謂蓄患不利吾軍愬誠明在躬秉信不撓爰命釋

縛授之親兵祐感慨之心出於九一作萬死縱橫之計果効

六竒粵十月既望陰凝雪飛天地盡閉愬乃遣其將史旻

仇良輔留鎮文城備其侵軼命李祐領突騎三千以為鄉

導自領中權一作三千與監軍使李誠義繼進又遣其將

田進城領馬步三千以殿其後雲郊一作晦冥寒可墮指

一夕卷旆凌晨斬一作關鋪敦淮濱仍執醜虜雖魏軍得

田疇為導潛出盧龍鄧艾得田章先登長驅綿竹用竒制

勝與古為儔四紀逋誅一朝蕩定據宗廟之宿憤致黎庶

之大一作安周漢以還莫斯為盛帝命策勳進弘為侍中

光顏重胤竝為司空愬為左僕射帥山南東道公武加散

騎常侍節制鄜坊一作延道古進御史大夫文通加散騎常

侍王師獲金爵之賞環境蒙優復之恩掩骼埋胔除瑕宥

罪躋群生於壽域還比戶於可封東西南北無思不服丞

相旋請來朝後加金紫光祿大夫封晉國公乃眷淮濱蒸

人生殖俾擇循吏撫其疾傷以宣慰副使刑部侍郎馬總

領淮蔡之任天子議功雲臺追美將帥俾刻金石以揚休

勲而百辟僉謀群帥克讓推義士之志敢貪天功徵賢臣

之言實在君德於是縉紳之士暨侯服之臣上獻鴻名式

昭徽用然後光輝千古聲名百蠻詔命掌文之臣文昌勒

銘淮浦庶乎閱周雅者美宣王之中興觀劔銘者戒蜀川
之恃險銘曰

天有肅殺萬物以成雷風為令霜雪為刑君有武節四海
以寧陳之原野阻以甲兵在昔聖王格寧邦國武以禁暴
刑以助德牧除害馬農去蠱賊苟非戎功孰靜群慝明明
我后神筭精微九重獨運千里不遠宵衣旰食再安中寓
始剪朔漠旋梟蜀虜丹徒縱漢白門縛布服茲四罪豈勞
一旅淮夷怙亂四十餘年長蛇未剪環境一作騷然逮于
孽章逆志滔天懷柔匪及告諭罔悛帝念生人乃申薄伐
飛將鷹揚前鋒電發齋壇命信靈旗指越我武惟揚袂氛
一作未滅集于泗曲決戰摧兇豹備一作臨晉維留沓中

極極襄帥奇謀成功一作應浮壘暗渡東馬潛攻合以

圍絕其飛走布穴弋一作妖升城獲醜商不易一作肆

安其亂泗曲殘兵投戈束手帝嘉群帥賞不踰時畫社稷

封建組陸離泊于蠻貊服我英威刻之金石作戒淮夷

一作皆唐文粹

校正四十六字

六月初八日

文苑英華卷第八百七十三

文苑英華卷第八百七十三

碑三十一

隱居

隱居貞白先生陶君碑一首

梓州射洪縣武東山陳居士碑一首

孝善

唐善人墓碑一首 高愍女碑一首

隱居

隱居貞白先生陶君碑

蕭綸

夫夜光結綠非胠篋之恒珍逸羽翔鱗豈園池之近玩寧期心於遠大蓋不知其所以然也是以潁陽高蹈洗耳於唐朝漢陰貞栖滅迹於周代盛德風流有自來矣應期而

唯質者其在茲乎先生名弘景字通明本冀州平陽人也其先自帝堯陶唐氏之後胤堯治冀州平陽故因居止龍馬見五色之符欽明表八彩之瑞光宅於天下允釐於庶職洪源曼遠系緒綿長漢興陶舍爲高祖右司馬子青翟位至丞相後至漢末南渡始居丹陽七世祖濬仕吳爲鎮南將軍荊州刺史祖降宋南中郎參軍事父貞寶司徒建安王國侍郎竝立履清約博涉文史先生含元精之和氣蓄陵颺之雅姿兼宣七善總脩九德行仁蹈義嶽峙淵淳牆仞無以覩清濁不能測道風與星漢同高勝氣與煙霞共遠六歲便解書能屬文七歲讀孝經毛詩論語數萬言曼倩幼習典墳公幹少誦詩賦方之於古彼有多慙是以

嶽巖流聲黃中著稱有鄉人得葛洪神仙傳見淮南八公諸仙事乃嘆曰讀此書便使人有凌雲之氣於是寢興諷誦晨夜不輟年二十七爲宜都王侍讀總知管記事勝道求賢焚林招士朝難其選是曰得人阮瑀之書記不足扶衡孫楚之才辭何以捧轂齊代好治宮室方脩苑囿青溪舊觀更就起築仍奏表上頌辭事兼美邁彼樂職之篇踰乎景福之製帝省覽久之益以爲善除奉朝請恪居官次夙夜惟寅春朝秋請是極樸者也先生本不希榮常欲辭退乃與親友書曰疇昔之意不願處人間年登四十志畢山藪今三十六矣時不我借知幾其神乎無爲自苦明年遂拜表解職抽簪東都之外解組北山之陽同稷丘之栖

真慕留侯之却粒便具舟楫永言東邁朝廷錫問時賢錢
別祖以二昧招茲四皓超然輕舉異世同符爾乃杖策孤
征游踐山嶽既而到于句容登於茅嶺以此地神仙之宮
府靈異之栖託往不能返遂卜居焉先生曰夫子云隱居
以求其志行義以達其道吾聞其語未見其人我今義通
無復其一請同求志之業故自稱隱居亦猶稚川之抱朴
士安之玄晏倚巖栖隱依林遁跡交柯結宇刻徑為門懸
崖對溜悲吟灌水深壑絕藝文類聚作危峭組織煙霞枕石漱流
水禽無撓採藥耦耕野獸不亂逍遙閒曠放浪陵山一作丘
嗒然若喪確乎難拔屬齊末道消天命既否水圖穀洛地
震由辰先生靜思冥數預識微兆於是近遠書問悉皆杜

絕昔乃聞之夏甫今則見之先生我大梁休運應期受天

明命三辰開朗四海寧誼先生奉表稱慶於是信問復通

天監以來常有勅旨供給藥餌不乏歲時渥澤湛恩莫之

與比先生七年暫游南嶽茲山也譬閭風之地軸若崑陵

之天鎮八桂傍臨九純間設樹有琅玕草生車騎遺世獨

往是用忘歸一十年有勅遣左右司徒惠明徵還先王茅

山別給廨宇軒后之降精一作情天老漢帝之致禮河宗况

於茲日弗能尚也養志山阿多歷年所攝生既善冥祥亦

降猛獸不據魑魅莫逢庭無荆棘遠同闕里階吐神泉逕

動於是羽人徘徊仙客上下鸞鳳游集芝英豐潤大

造佛像爰及寫經起塔招僧備諸供養自誓道場受菩薩

法夢登七地又得嘉名具以啓聞蒙勅許可葛玄之夢見

開士朱鸞之遠望尊儀何以擬茲通感足此徵應以大同

三年歲次景計其時當作丙辰三月壬寅朔日癸丑告別

年化春秋八十有一天子嗟惜儲皇軫悼有詔稱譽追贈

中散大夫諡曰貞白先生禮也以其月十四日窆于丹陽

郡句容縣雷平山若軒轅之墓衣冠如王喬之藏劔鳥化

於茲日可得偶一作焉先生器宇凝深思識精瞻含章貞

吉不脩庶隅年將中壽匪踰於矩眉目疏朗儀貌鮮潔實

亡勸沮多行德惠恹惜光景愛好墳籍篤志勵節白首彌

至若乃淮南鴻寶之訣隴西地動之儀太一遁甲之書九

章歷象之術幼女銀鈎之敏允南風角之妙太倉素問之

方中散琴操之法咸悉搜求莫不精詣爰及卜射荀悅

卜管筮一見便曉皆不用心張華之博物馬鈞之巧思劉

向之知微葛洪之養性兼此數賢一人而已門人恒法闡

等慕遙風於緱氏繪遺像於橋陽勒玄碑而相質騰絳霄

之流芳乃為銘曰

留鳥表化棄劔疑神徘徊紫氣照耀丹鱗厥跡猶在餘風

可遵誰其嗣此淵哉淑人高行邁種盛德日新朗猶懸鏡

斲似真筠身以弘道行不遺仁昔游纓綬頡頏頡頏縉紳厥乎

匡救勞彼問津亦既解組乃襲山中遠尋丘壑高蹈風塵

情無緬世隱不隔真結字依巖貞棲茂草水玉留年華精

却老乃有令問蕪斯壽考泉過危庭峯臨窈洞露凝蘭階

助富

雲生桂棟日斜欄席花落窓窺尚平未反王孫不旋海桑
交易陵谷貿遷豐碑有樹遺烈無騫

梓州射洪縣武東山陳居士

集作故居
士陳君碑

陳子昂

君諱嗣字弘嗣其先陳國人也漢末淪喪八代祖祉自汝
南仕蜀為尚書令其後蜀為晉所滅子孫避晉不仕居涪
南武東山與唐胡白趙五姓置立新城郡割制二縣而四
姓宗之世為郡長蕭齊之末有太平者兄弟三人為郡豪
傑梁武帝受禪網羅英豪拜太平為新城郡守尋加本州
別駕弟太樂太濛為黎州長史督護二字集作
都督護南梁二郡
太守樂為本郡文粹
州司馬即君之高祖父也生曾祖方慶

文粹作
蒙不同

道不樂為仕得墨子五行秘書集有
而字隱于武當山生烈

祖湯仕郡為主簿遇梁季喪亂避世不仕生皇考廣文粹
無此

字廻廻早卒君即廻之第二子也少孤而有純德恭已飭

二本
作歸行一日三省家世本以清白崇德迨君之孤素業空

矣君有二兄養母以孝君克順至行同勤苦節夏不避暑

冬不避寒烝烝服事行年四十有五入則孝出則悌謹而

信汎愛眾而親仁無餘力也以是不優於道逮親終沒春

秋已高從仕二本
作事不可以養矣乃輟干祿之學脩養生之

道山壑高居農野末歲雅聞漢有王丹者放居不仕家累

千金以自奉田稼勤者載酒肴從之鄉里承化以相懲沮

乃歎曰彼王丹者足以集無
以字為政矣美其為為政也由是

乃歎曰彼王丹者足以為政矣美其為為政也由是

始考林澤闢良田習山書務農政天道時變地道化成丘

陵泉文粹作淵藪星歲雲物靡不用心也文粹無也字原田莓莓粳

黍稷稷文粹作黍汶陽之稼如雲矣春日二本載華歲聿

其秋白露時降百穀收熟君嘗乘乎肩輿省農夫饋田畷

刑以肅惰悅以勞動若孫吳之用兵鷙鳥之搏擊也倬彼

碩文粹作甫田歲取十千倉廩實崇禮節恤惸寡賑窮乏九族

以親之鄉黨以歡之居十餘年家累千金矣其鄰里有媮

衣食帶刀劔推埋胠篋之類聞雞走狗之豪莫不靡下風

馴雅業文粹作素節曰里有仁焉吾何從文粹有也遂頓

浮窈之節肅恭儉之規脩孝悌飭二本庶耻將欲較君二

文粹作之素業也君時年已耳順素無經世之情林園遺

老玄默忘歲遂保先君武東山之故居行不由徑非公事

未嘗至於州縣也昔襄陽有龐德公谷口有鄭子真東海

王霸西山蜀才皆避集有世人養德退耕集有求志軒冕

不可得而羈憂患不可得而累迨于我君作者五人矣於

戲古者至人不利苟得不務近貴量腹而食度身而衣非

其道萬鍾不足豐也匪二本其榮五鼎不足飪也躬勤耕

稼植其杖而芸不荅子路之問者其集無豈我君之徒歟

綿綿羅網冥冥高鴻趯趯竹竿穆穆幽龍其與禍敗之遼

絕胡楚集無越文粹作哉然則兩壘不免於蘭焚二老不

免於薇歎其近貴利耶夫上無憂悔下無饑寒合集作道

以制嗜慾達命以順生死仁以愛身智以養德俾爾耆而

文苑英華 卷一百一十五

艾俾爾昌而熾君子保之以永壽考非我君者文粹無乎

享年八十五歲壬辰五月十三日考終厥命臨終誠曰啓

余手啓余足我聞古人有言珠玉而瘞之是暴骸於中原

也古者不封不樹後代聖人易之以棺槨吾不敢違聖人

可具棺槨而已歛以常服墳無丘壠吾將庶幾以奉先人

之清業也有子某某等皆能祗奉遺訓聿從先志長壽二

年龍集癸巳某月朔某日亥月載踰卜兆時吉始啓殯昭

告奉遷於舊塋武東山之陽禮也鄉里會葬者千餘人皆

涕泣號慕悲純德之不見咸曰君子沒矣仁文粹何以名

陵壑集作不朽匪惟頌聲小子不敏謹文粹述鄉人之敬

其辭曰

蕭蕭我祖國始於陳中裔淪喪洎集作此江濱山川陰鬱

旂非氤二本氤挺生君子集作生於鑠元真唯孝肅悌唯

仁善鄰樂我耕稼忘我縉紳芸芸二本田藪歲也其春

農事方作二本君子犒勤孰為夫子植杖而耘弋者

何慕集作鴻冥集作高雲楚狂懼世夷叔求仁良圖文粹

終矣不考于身我異於是非隱非淪撫化隨運安排屈伸

大二本年既沒長夜何辰聖達不免宇宙同塵桐棺三寸

豈我窶貧自古有禮文粹吾從聖人嗟爾百代子子孫

孫驕奢自咎天道無親思我松柏恭儉是遵

孝善

有唐善人墓碑

白居易

唐有善人曰李公公名建字杓直隴西人魏將軍申公發
 公十五代祖也周柱國陽平公遠六代祖也綏州刺史明
 高祖也太子中允進德魯祖也綿州昌明令珍王大父也
 雅州別駕贈禮部尚書震考也贈博陵郡太君崔氏妣也
 陳許節度使禮部尚書遜兄也渭源縣君房氏妻也容管
 招討使濟外舅也長慶元年二月二十三日夜無疾即世
 于長安脩行里第是歲五月二十五日歸附于鳳翔某縣
 某鄉某原之先塋春秋五十八有二女五男曰訥朴恪慤
 碩公官歷校書郎左拾遺詹府司直殿中侍御史比部兵
 部吏部員外郎兵部吏部郎中京兆少尹澧州刺史太常
 少卿禮部刑部侍郎贈工部尚書職歷容州招討判官翰

林學士鄜坊集作州防禦副使轉運判官知制誥知集無字

部選事階中大夫勲上柱國爵隴西縣開國男有史官起

居即渤海郡集無此字高越集作鉞作行狀有翰林學士中書舍

人河南元稹作墓誌有尚書主客郎中知制誥太原白居易

易作墓碑大署其碑曰善人墓善人者何公幼孤孝養太

君太君老疾常曰後子勸吾食吾輒飽勸吾藥吾意其疾

瘳後子公小字也及長居荊州石首縣環其居數百家凡

爭鬪稍稍就公決公隨而評之寢及鄉人不詣府縣皆相

率曰請問李君公養有餘力讀書屬文業成與兄遜起應

進士俱中第為校書時以文行聞故德宗皇帝擢居翰林

翰林時以視草不詭隨退官詹府詹府以貞恬自處不出

戶輒踰月廊帥路恕高之拜請為副在廊時有非類者至

以病去為御史時上位有過集作其行事者作謬官詩以

諷為吏部郎中時調文學科暨吏課高者得無停年又省

成勞文集無急成狀限繇是吏集作輩無緣為姦詭集作

今選部用其法知制誥時筆削間有以自是不屈者因請

告改京兆少尹時與大尹議歲減府稅緡十三萬在澧時

不鞭人不名吏居歲餘人人自化在禮部時由文取士集

非不聽譽不信毀公為人質良寬大體與用綽然有餘裕

為政蕪平易簡不求赫赫名與人交外淡中堅接士多可

而有別稱賢薦能未嘗倦好義論而無口過遠邪譏而不

降物其居家菲衣食厚賓客敬兄嫂禮妻子愛甥姪初先

太君好善喜佛書不食肉公不忍違其志亦終身蔬食自

八九歲時始諷詩書日三百言諷畢盡得其義善治集作

王氏易左氏春秋前後著文凡三百五十二首皆詣理撮

要詞無枝葉其卓然者有詹府司直此部員外郎廳記請

雙日坐疏與梁肅書上宰相論選事狀秉筆者許之薨之

日不識者惜識者歎交遊者出涕執友者慟夫如是其善

人乎傳曰善人國之紀也語曰善人吾不得而見之矣噫

善人之稱難乎哉獨加於公無愧焉銘曰

古者墓有表表有云顯其行省其文故季札死仲尼表其

墓曰君子今吾喪李君署其碑曰善人嗚呼李君有知乎

無知乎君之名與此石俱

高愍女碑

李翱

愍女姓高妹妹名也生七歲當建中二年父彦昭以濮陽

歸天子前此者有二字集質妹妹與其母兄者集作使彦

昭守濮陽及文粹彦昭以城歸妹妹與其母兄皆死其母

李氏也將死憐妹妹之幼無辜請獨免其死而以為婢于

官二字文皆許之妹妹不欲曰生而受辱不如死母兄集

且死皆不免何獨生為其母與兄將被刑咸拜於集作四

方妹妹獨曰我家為忠宗族誅夷四方神祇尚何知問其

父所在之方西嚮哭再拜遂就死明年太常謚之曰愍當

此之時天下之為父母者聞之莫不欲愍女之為集有子

也天下之為夫者聞之莫不欲愍女之為室家也天下之

為女與妻者聞之莫不欲愍女之行在其身也昔者集

思夫自沉于江獄吏嗥囚章女悲號思唁其兄作詩載馳

緹縈上書迺除肉刑彼四女或孝或智或仁或義噫此愍

女厥生七年天至集作其知四女不倫向遂推而布之于

集作天下其誰不從而化焉雖有逆子必改行雖有悍妻

必易心賞一女而天下勸亦王化之大端也異哉愍女之

行而不家聞戶知也貞元十三年翱在汴州彦昭時為潁

州刺史昌黎韓愈始為余言之一字余既悲而嘉之於是作

高愍女碑

校正四十字

六月初八日

文苑英華卷第八百七十三

遺愛

碑三十一

河西節度使杜公碑一首

義武軍節度使張公遺愛碑一首

高陵令劉君遺愛碑一首

河西節度使杜公碑

楊炎

周有召伯樹王風之始漢得留侯稱佐命之傑功赫於帝
典名鏤於河圖維唐之受命大殪戎於西周皇帝感黷武
之風思二南之化詢求卿士惠澤窮荒乃命兵部侍郎杜
公名鴻漸自河登車主盟西塞公英明博達淳粹先覺碩
德漢庭之老中興佐命之勛體合一氣精合五老伊昔皇

運中否河海風塵天子方偽遊北門之野公負霸王之畧

感社稷之危緬懷風雲以身許國隱括王道旁觀曆象謂

宇宙不可終閉兆庶不可無君龍吟空山雲起大澤追昌

言以排世難告天命以成帝業日月盡一作畫蝕載之高懸

鯨鯢躍波戮而為醢史一作也秦疑作嚮天之樂儒也觀

嗣夏之書故登朝為夔龍纂戎為方召至於邦也清其

心而妙其用厚其惠而感其和與物也氣之陽春含靈也

工之橐籥以為衢俗不足以勸賞故先悅以茂功貪人不

可以害群故問罪以去奸訛言不可以疑衆故畢詞以為

戮於是八藩以之匍匐三師以之投袂疑群盜以之出奔

巫人以之伏死古之作者不貴成功貴以德不憚濟世

先仁樂生下齊明道者謂其強孫武講軍事上者知其圖

刑西門禱河明刑者恨其暴子王佐楚治兵者慮其剛而公

刑體兼才智周乎萬籟之變嚮合乎四會之中是神降歟

詩云愷悌君子民之父母其來也丘陵如無其去也風雨

可懷故吏兼侍御史唐朝英洎邑老其州長吏陳奉先等

以炎耳目馨香託之篆刻庶乎觀斯文者有襄南之慕頌

遺美者深頴上之風銘曰

或或杜公蚪蟠于輿八美其華我視其操王用暮畫大邦

以造三錫輅車纂戎之號威肅惠時明神所勞何彼塞翁

靡人仁報徘徊頌石末代作好

唐故義武軍節度使營田易定等州觀察處置使

階下缺十三字

開府儀同三司檢校司空同中書門下平章事符陽郡王贈太師貞武張公遺愛碑銘

并序

權德輿

維唐十二葉皇帝纂太統建大中始初清明敷佑下土稽四征六服之理闔先正宗臣之籍流慶斯復遺風可懷繇是博陵上谷列侯二千石元僚司武從事亞旅上其故府太師貞武公功德請銘于碑以示厥後乃詔小司徒臣德輿因地域之名物酌軍師之憲令舉而叙之云公諱孝字達忠其先燕人八代祖奇北齊右北平太守封右北平王齊季交亂實開邊隙代有長技軼於外區曾王父靖乙失活部落節度使王父遜部落刺史父謚早襲先職來朝上

京星環北極輸君長之贊幣鵬變南溟發邊關之導譯拜開府儀同三司他日以公之勤累贈至戶部尚書公雄姿正志沉毅英達傳兵符於百勝襲王爵於九代年未弱冠入侍明庭才爲異倫射必命中以日磔之信愛受秦仲之車服自他有耀至是來歸時玄宗御天下四十餘載習文事而去武備人不知戰恬於已然幽陵首禍穀洛恒駭公跡染汙俗心堅本朝豈求生以害仁將蹈難以明義史揭繼亂猶居劫中質其所恃無路自奮問道旁午密陳嘉猷俄而成德軍節度李寶臣錫姓撫封同信臣之任就義若渴推心於公綜其都軍以壯支郡乃策崇勳累居大官凡軍師之禁令攻守之奇正成德之重必咨於公隣帥倡廢

皇赫問罪公出自上谷覘于具丘寇徒六萬將犯中冀乘
轅外嚮方陣而前公以駟介千數颺馳急擊突入其阻夾
攻其堅敵人力屈昏夜引去遷御史中丞封符陽郡王尋
拜易州刺史加太子賓客以軍之輯睦移於郡以郡之班
制叶於軍文理武毅交脩四暢師貞人餼為列郡表儀初
公與寶臣感慨於少年之場周旋於多難之際迎導善氣
切勵良規若驟有靳如熱斯濯異時自代前定於公且曰
與師之心也勲力之冠也俄然寢疾瘖不能言猶以手指
北瞠然注目既而惡子阻命陰交匪人因喪以干紀專地
而圖禍公驟諫不入飛章上陳請以州兵首遏亂畧優詔
拜工部尚書兼御史大夫恒州刺史成德軍節度使一人

注意四履專征糾合諸侯連收城縣敗之於東鹿走之於
常山以至斬首且無遺策轉兵部尚書易州刺史易定滄
等州節度觀察使錫軍號曰義武時三分恒陽之地錄功
有差而群帥參心或懷舛望太行而東疆場日駭且有從
約皆為假王公居其腹心守正持重王立於磷緇之際雞
鳴於風雨之中靜柯勁草在我而已彼朱滔者以燕啗公
夸大煽結講張指斥公乃出和門以蒞眾援敵日以誓心
義利之間死生不惑且曰縣官之所以賦軍宿兵下尺一
之詔者在排難捍一作患而已吾徒之所以乘堅驅良佩
丈二之組者在畢力致命而已碎首塗地吾無悔焉一心
事君四面受敵俄屬京師急變鑿輅時巡時太師西平王

以禁兵自魏來授于我於是與公決策赴行在所公素約以伯仲又申之婚姻分銳師選良將授以赴蹈使君顏行斷金之契匪石不轉定山東為已任坐制群疑清輟下為前籌行戡大憝赤誠相照血涕交頤西平繇是建大勲立大烈而公亦靜深以制動貞厲以伐謀使其徒集作從散約而無亡矢遺鏃之費者公之功也前此拜尚書左僕射至是同中書門下平章事貞元元年就加司空九受律行師十有一歲承寧諸侯滅黜不端動有節制人斯愛戴瞻助其供養賻補其禮喪拊循接禮勞徠安輯輔以正德而不怵於邪濟以守忠而不回於利章灼卓異有初有終其君涼國太夫人憂也手植松檟倚廬於墓感致瑞祉詔旌其

門終身之哀加人一等不遺故舊皆以器使感下多善庭中無留事雖古人之威懷無以過焉春秋六十二以七年三月感疾薨于位德宗皇帝不視朝三日冊贈太傅詔卹吏吊祠法贈有加其後累贈太師易曰貞武追封上谷郡王易之大有曰信以發志禮之中庸曰誠之不可揜惟公推本於是闇然而彰德宇弘大色容厲肅長才經武奇表出倫喬枝戛雲以直上雄劒發匣而耀穎始以天寶十載受詔即戎授范陽郡洪源府右果毅破九姓突厥改上黨郡漳源府折衝乾元初轉左領軍衛翊府左郎將實鎮飛狐之地寶應中拜左武衛大將軍加金印紫綬歷左金吾大將軍兼太僕卿殿中監以至于專席賓護剖符建牙

載居六官乃進左揆燮和鼎鼐平理水土真食大封異姓
而王積功伐以崇厚履信順而光大壯武之後遠繼公台
富平之門時推德器豈徒然哉嗣子今司徒同中書門下
平章事延德郡王茂昭以全才休績保大宣力戴翼天子
撫征諸侯常以工部尚書建旗博陵以刑部尚書循方伯
之職特詔所理郡爲大都督府經歷左僕射司空丞居代
官南北軍衛爪牙上將同氣分職寵冒一時侯王則銀黃
相映子弟乃金埒對起流光貽訓其信矣乎二十年延德
王以介圭四牡來朝京師德宗沃心嘉歎宴喜蕃錫如韓
侯申伯故事順宗繼明崇德報功及居台宰進掌邦教敦
入覲爲守臣龜龍乞留京師以奉朝請堅若金石激以
肝服勤王家丕赫宸睠感念勲節顧懷義方直以鄭武公
桓公漢帝平父子古先懿鑠舉集公門二邦幼艾千夫長
百夫長沐浴風烈怵惕慕思是儀古式以求耀斯不朽之
事也拜君命之辱而傳信焉銘曰

天秉日星亦有風霆君用文德亦資武力太師矯矯生我
王國時或艱屯師惟壯直大蹇朋來其心不回好謀而成
義略乃開傳陵上谷地直栢木旣夷狡童則理長轂威謀
杭厲命賜渥綬回回盜泉嘖嘖喜王允我所履與之豐福
士皆賈餘人以仰足琯戈衮章裕此一方追錫吊祠禮優
職喪司徒襲慶道叶仁聖三朝戴君皆受四命覲禮煌煌

嘉猷洋洋湛露彤弓威儀有光甘棠蔽芾邵伯所憇緇衣
改為鄭國之詩仍代洪集作烈邦人戴之末言寘懷乃刻
斯碑

高陵令劉君遺愛碑

劉禹錫

縣內之大夫鮮有遺愛在其去者蓋邑君多豪政出權道
非有卓然異績結于人心浹于骨髓安能久而愈思大和
四年高陵人李仕集作清等六十三人思集作前令劉君
之德詣縣請金石刻之縣以狀申于府府以狀考于明法
吏吏上言謹按天寶詔書凡以政績將立碑者其具所紀
之文上尚書考功有司考其詞宜有紀者乃奏明年八月
庚午詔曰可令書其章明有以結人心者揭于道周云涇

水東行注白渠醜而為三以沃關中故秦人常得善歲控
水部式決洩有時畎澮有度居上游者不得擁泉而顛其
腰每歲少尹一人行視之以誅不式兵興以還寢失根本

涇陽人果擁而顛之公取全流浸原為畦私開四竇澤不
及下涇田獨肥他邑為枯地方集作既移地征如初人或

赴訴泣迎尹馬而上涇之腹皆權倖家縈勢足以破理訴
者覆得罪繇是咋舌不敢言吞冤含忍家視孫子長慶三

年高陵令劉君勵精吏治視人之瘼如煙集作疽在身不
忘決去乃脩故事考式文暨前後詔條又以新意請更水

道入于我里請杜私竇使無棄流請遵田令使無越制別
白織集作悉列上便宜掾吏依違不決居三歲距寶曆元

年端士鄭覃為京兆秋九月始具以聞事下丞相御史御
史屬元谷實司察視持詔書詣渠上盡得利病還奏青規
中上以谷奉使有狀乃俾太常撰日京兆下其符司錄姚
康士曹掾李紹實成之縣主簿談孺直實董之冬十月百
眾雲奔憤與喜并口謔力集作手運不屑蒙集注鼓揆功什
七八而涇陽人以竒計賂術士上言白渠下高祖故墅在
焉子孫當恭敬不宜以畚鍤近阡陌上聞命京兆立止絕
君馳詣府控告具發其以賂致前事又謁丞相請以額血
汙車茵丞相彭原公斂容謝曰明府真愛人陛下視元元
無所恡第未周知情偽耳即入言上前翌日果有詔許訖
役仲冬新渠成涉季冬二日新堰成駛流渾渾如脉宣氣

高荒漚冒迎租

集作租是斯釋釋

開塞分寸皆如詔條有秋

之期投鍤前定孺直告已事君率其寮躬勞徠之烝徒謹

呼奮襍襖而舞咸曰吞恨六十年明府雪之擿姦犯豪卒

就施為嗚呼成功之難也如是請名渠曰劉公而名堰曰

彭城按服引而東千七百步其廣四尋而深半之兩涯夾

植杞柳萬本下垂根以作固上生材以備用仍歲旱沴而

渠下田獨有秋渠成之明年涇陽三原二邑中又擁其衝

為七堰以析

集作析

水勢使下流不厚君詣京兆索言之府

命從事蘇特至水濱盡撤不當擁者繇是邑人享其長利

生子以劉名之君諱仁師字行輿彭城人武德名臣刑部

尚書德威之五代孫大曆中詩人商之猶子少好文學亦

以書書字集作籌畫干東諸侯遂參幕府歷尹劇縣皆以能事見

陟卒不時而遷既有績于高陵轉昭應令俄兼檢校水曹

外郎充渠堰副使且錫朱衣銀章計相愛其能表為檢校

屯田郎中兼侍御史幹池監集作幹池鹽于蒲錫紫衣金章歲

餘以課就加中中字集作司勳正郎執法理人為循吏理財為能臣

一出於清白故也先是高陵人蒙被惠風而惜其捨去發

于曾懷播為聲詩今采其旨而變其詞志于石文曰

噫涇水之逶迤溉我公兮及我私水無心兮人多僻鋼上

游兮乾我澤時逢理兮官得材墨綬紫兮劉君來能愛人

兮恤其隱心既公兮言既盡縣申府兮府聞天積憤刷兮

沉疴痊劃新渠兮百畝畝流行龍蛇兮止膏油遵水式兮獲

■制無荒區兮有良歲嗚呼劉君兮去翱翔遺我福兮率我

膺紀成功兮鑄美石求信詞兮昭懿績

校正三十四字

六月八日夜雨微涼生

文苑英華卷第八百七十五

臺

碑三十二

攀龍臺碑一首

攀龍臺碑

李嶠

粵若太極始構氤氲含五氣之精元貽昭既分鼓舞立三才
 之位由太朴而觀成象自流形而臻物備因乾坤之變化
 相后辟之經綸則知肇創雲雷非一聖之事奄荒區夏由
 浸昌崇一作之業是以岐鄴受命武王戢商野之戈譙亳開
 基文后遷漢宮之鼎若乃提六合之樞紐扣二儀之鑄鑰
 日月既出方利見於通三風雲未知一作和尚勞謙於初九
 蓄宏圖於緣鶴用伊尹事之邸垂慶緒於斷鰲之運屈伸

應物而無累於特進退隨方而不違於道非聖人之睿智其孰能與於此乎大周無上孝明高帝諱某字某太原文水人也其先出自周平王少子有文在其手曰武因以姓氏居沛之竹邑晉尚書僕射開府儀同三司薛侯_係其後也六代祖洽仕魏封於晉陽食菜文水子孫因家焉夫其受氏中古開階上業軒轅以青龍進駕配永循機少昊以玄鳥名官修方正度高辛之首戴干盾后棄之躬勤稼穡或四妃分孕隨肩執天下之圖或三聖連衡踵武司域中之契宗支繼明而襲嘉帝載重熙而累洽雖七百休祚暨遷於質文而九王_五尊名復光於曆數自非慶鍾長發神應遠期人鬼贊其謀猷乾坤扶其統緒豈能出入百代周旋萬其至道淳風未昏而已且洪鑑大寶既舊而還新家纂迎日之符門傳配天之業環三辰於斗極不足比其崇高灌四瀆於滄溟未能儔其深遠若夫振氓育德屈道不王鳥奕於昭穆之間頡頏於公卿之位蓋詳諸傳史可得而畧高祖成皇帝宏才碩量經文緯武曾祖章敬皇帝達學通儒金聲玉振大父昭安皇帝心冥道德志挾九區顯考文穆皇帝理會幾神名高四海帝即文穆之第四子也母文穆皇后嘗祈晉祠於水濱得文石一枚大如鸞如上有紫文成日月兩字異而吞之其夕夢日入寢門光耀蒲室已而懷孕遂產帝焉及載誕之宵夢人稱唐叔虞者謂后曰余受命于帝保護聖子驚寤而帝已生明日紫氣氛氳

覆冒其城

此字無

上俄而化為五色髣髴若文綉之衣左右

親賓莫不駭異及長龍顏方面身長八尺背有黑字象北

斗之形昔者禱于郊堪拾郊而與王業游乎温洛吞珠而

立帝期

疑

譙宮誕而青氣發祥猗殿生而丹曦授彩亦有

御蘭感夢皇天之命伯儵剪葉開封上帝之名太叔咸躋

未然之兆竝獲將來之應猶不能比蹤神貺埒美聖符况

乃龍顏武肩

帝王世紀文有龍顏虎肩

有含良

春秋元命苞文王四乳是謂含良

之骨

法載鈴懷斗似高密

禹之字也

之容狀是故生而聖知幼

而聰達敏給於論天之始狗齊於對日之初甫及勝衣究

緹緗之頤

疑作

逮乎束髮殫擊輓之巧淳深孝悌之性闡

發天機弘裕仁慈之風匪因師習太后嘗被重疾不愈

時帝扶侍起君品嘗藥物僅喻蒼舒秤象之歲未及子建

誦詩之年履不正絢衣不解帶及丁荼蓼號慕嘔血七日

無水漿之膳三年罷鹽酪之滋扶杖而行殆至毀滅雖孝

文之服勤累載高宗之諒陰三祀無以加也常有節罕

營小方志立功名而不求苟得心重氣俠而動循常憲道

德深富規模弘遠曠心將江海齊逸宏量與宇宙同寬是

以單父通人識其殊異之表大梁奇士許以霸王之畧文

穆皇帝

一作

則哲之鑒恒易其難惟幾之神每前其用嘗

從容謂諸子曰吾家累仁千祀積德重葉餘慶所及宜在

子孫今觀汝曹悉王佐才也然草創經綸之際聖賢馳騁

之秋騰嘯而馭風雲叱咤而成功業其在士護耳以如天

之聖用知子之明隱括所在錙銖不繆豈如趙邦謀嗣唯
驗於藏寶楚國擇才更憑於埋璧及文穆之棄代也帝廬
于墓塋負土成墳手植松栢喪紀之節復如君穆后之哀
有芝草生于廬前群鳥一作雀數萬銜土集於墳上山中舊
多猛獸行李艱阻至是皆逃窟絕迹時人以為純孝之感
焉隋高祖雅聞帝名屢加辟召友人同郡叔孫賀傳通之
士也陰陽術數無所不該謂帝曰公狀貌非常但玉埋未
發耳終君人上勿為事先帝亦知隋統將終乃稱疾不應
漢王諒以戚藩之重作牧太原乃親率官僚造門致禮深
加敦諭逼令進發帝不得已起應明敏至仁壽宮屬情文
帝寢疾有勅館于內史省以湏後命帝高名宿望傾動當
朝承風仰流揖拜無地衣冠如宗海之赴士庶均在田之
覩司空觀王雄左僕射楊素吏部尚書牛弘兵部尚書柳
述咸與抗禮延登首席中郎之下迎王繫計吏之長揖相
逢千載風流復存斯舉帝風儀偉麗占對詳明朝端改容
左右屬目雄等素欽才辯欲探閫奧爭出異同互與名理
而洪鍾有虛受之量明鏡體不疲之德詞同炙輶應若扣
機立定雌黃既堪羸疑后前膝坐離堅白足使田巴杜口
觀王既特相欽慕牛弘亦深加敬異竝虛心降節投分申
交而楊素負才耻已不若雖外示接引而內懷猜忌乃私
謂觀王牛弘曰吾觀武氏風骨實有英雄之度今太平無
事安用此人不如除之王等不荅而柳述又潛遣相工視

帝知之深不自安會隋文帝崩因移病出外素等以為偽

迹從此欲構禍端賴觀王牛弘營護得免漢高以英威冠

代取忌范魯漢書劉主以倜儻出群見疑曹操北方前事

有若合符帝既脫網羅深自隱匿雖室家追訪猶見礪山

之雲而廛里去還下一作就丹陵之日辭杜城之弋獵罷

雷澤之魚釣獨覽前志長懷古人有行高於時有行濟於

物輒慷慨擊節殷勤留想便欲冥道契於一朝託神交於

千載墳窺唱和自多附萼之觀疑風景遊遨無乏林泉之

興歲將晏也龍蟠鳳戩者久之大業七年煬帝徵天下精

兵會於涿鹿將親授節鉞以伐遼左旌旗亘於千里轉運

盈於萬軸閭閻失業郡縣不安帝謂諸兄曰夷狄不賓肇

於上古自當置之度外耳未有紆萬乘而讐小忿擾群生

而赴非急夫兵猶火也不戢自焚禍亂之萌從此始矣既

而六師魚潰九野鴻飛竟兆天亡之徵卒成土崩之勢帝

於是慨然有志方思濡足乃討論兵法商確將率上自黃

帝下訖有隋考其謀畧機權稽其成敗得失竝列名氏為

之讚論殫魚鈴武韜之術究玄女黃公之符勒成一家凡

三十卷名曰古今典要制高秦肆事軼魯門可以刻秘牒

而昇一作廟堂可以藏名山而懸日月聖人之心情可見

矣天下之能事備矣于時兵戈屢擾饑饉荐臻英傑懷逐

鹿之心氓黎有瞻烏之懼期謝公之出處以下興衰待韓

王之從就而論勝負與能之託時議攸歸長吏猜焉數令

卷之八十五

相規帝自惟人望懼發禍機欲混迹而同塵且韜光而向晦乃出應期命爲河北道總管府騎司叅軍智周變通道兼語默戢大鵬之舉遂集榆枋降應龍之神還游埽窋楊玄感之作亂也後主方重討遼東玄感進圍洛陽官兵頻戰不利城中大駭議欲出降時帝在東都懼其失計遽往見留守樊子蓋爲陳用兵形勢制敵權宜論玄感必敗之徵說都城可守之策子蓋大悅拜而從之爾後軍謀一皆諮稟卒擒玄感帝之力焉後主歸自遼陽子蓋方之行所邀帝同發擬相推薦帝知後主猜忌不願多取功名深自謙撝發言懇到子蓋心悟嘆息而罷於是沉疑作以軍功奏授正議大夫遷晉陽公官留守司鎧參軍無忌之克敵

謙封仲連之立功辭位比我休德曾何足云帝旣博通群書兼善衆術拂龜端策未勞詢於詹尹推歷考度無假訪於山稽大業十二年後主幸江都宮帝私謂諸兄曰此行也不復還矣繇是鄉里宗族勸帝起義帝每自推筭知時命未符又念叔孫賀之言故抑而不許初李密爲楊玄感謀主玄感不能從及聞帝與樊子蓋運籌所揣皆如密意乃歎曰天下竒才也遂遣書招帝帝笑而不從諸兄素聞密名勸帝帝曰密雖有才氣未能經遠欲圖功業終恐無成會唐高祖安撫太原便留鎮守帝觀之曰雄傑簡易聰明神武此可與從事矣投刺往謁焉賈文和之揣君酈食其之觀將翔而後集可謂明也高祖亦虛心結契握手推

誠周文之得姜牙載以駢服成湯之逢伊尹告之宗廟便
 應爪牙之任即承心膂之託高陽賊歷山飛來寇帝從高
 祖擊之弧彎六鈞箭穿七札隨手必陷當皆靡亂神兵掩
 擊醜虜大殲熊山之破赤眉不比其捷犬邑之摧青犢未
 儔其備光武大破青犢十餘萬於野王縣之射犬高祖嗟嘆賞賜甚多軍師凱
 旋便過帝宅樂飲經宿恩情逾重其後數過輒宿遂以為
 常帝嘗夜行聞有稱唐公為天子者登遣尋索了無其人
 又夢從高祖乘馬登天俱以手捫日月於是具以狀白并
 獻所撰兵書高祖大懼益以自負置其書於箱篋後皆按
 以從事聞程昱之夢即以為名聽張良之言皆納其策所
 謂天授豈但人謀高祖將舉義兵令帝領徒於城內義旗

建授中郎將兼司鑪參軍陪斬木之經始奉披荆之締構
 異中涓之受職同別校之分麾從破呂州進授右光祿師
 至霍邑隋將宋老生發兵拒險軍不得進群下多請引還
 者高祖將從之帝直入切諫高祖乃止決機於龍鬪之日
 定策於狐疑之辰笑禪讓之請車同子房之借箸實建王
 業事符天啓霍邑定拜壽陽縣開國公食邑一千戶屠城
 斬邑既憑帷幄之謀開國承家即啓山河之賦京師平遷
 光祿大夫賜宅一區錢三百萬綵五千段一作灌嬰之類
 從征伐始拜大夫去病之累著勲庸方開甲第釋干戈而
 論俎豆起桴鼓而立君臣式是儀禮允歸通博義寧元年
 拜禮部侍郎餘如故儀刑斯在命服有輝肅事南宮雖懋

於春典司言東掖更資於夕拜遷黃門侍郎餘竝如故職

參持蓋位連負璽茂先之傳覽圖籍譽滿玉堂務伯之提

正網維名高瑣闥錄前後功效改封義原郡開國公增邑

一千戶賜良馬二百疋粟萬一無此字二千石爰膺嘉賞遂啓

大邦解漢皇之駿寧比其惠分吳主之粟未齊其寵武德

元年拜內史令帝累讓不受改授納言又固辭乃授上柱

國金紫光祿大夫散騎常侍同中書門下三品兼檢校并

鉞將軍賜田三百頃奴婢三百人綵物二萬段黃金五百

斤別食實封五百戶金章紫綬玉帛黃扉柱國齊元相之

班將軍比命卿之服膺上賞而平軍國坐中樞而議文武

恩榮兼被時輩莫儔三年拜工部尚書餘竝如故差有八

座配象七星以百揆之樞衡參萬機之損益德績兼備

望日隆于時軍旅猶殷憲章未洽帝盡心翼亮推誠匡輔

入有造膝之謀外弘匪躬之義興復乎九疇之叙彌綸乎

百度之闕頽綱所以克振令典於是畢修高祖之禮絕群

彥進封膺唐書作應一本作晉國公加實封八百戶餘竝如故高祖

又謂帝曰朕在并州之日恒往卿家今欲使卿一門三公

用微荅主人之意也是日封帝長兄司農卿士稜為宣城

郡公次兄行臺左丞相士逸為六安郡公舊唐書作安陸縣公竝食

邑一千戶歡比連席之舊契均同舍之游酬德踰於二錢

報恩過於一笥闔門受邑寧唯吳漢之子孫舉宗畢侯豈

真蕭何之兄弟爾後高祖行幸常令帝總留臺事兼知南

北牙兵馬判六曹尚書相國之處秦中蓋資鎮撫令君之
住許下仍參壽畫具瞻惟允是謂國鈞時帝先缺中闈高
祖親爲求偶謂帝曰隋納言遂寧公楊達才爲英傑地則
膏腴今有女賢明可以輔德秦晉之疋不能加也於是特
降綸言俾成姻對高祖自爲帝婚主遣桂陽公主專知女
家降六禮於璿樞指三星於金穴魯夫人一作大夫之嫁女卿
士送迎張公子之取妻乘輿供帳作儷於鳳凰之兆相從
於孔雀之樓伐柯則歡其食魚流行則美其巢鵲是配琴
瑟爰宜室家欽若有行即孝明高皇后妃也始同媿水之
聘終啓塗山之業永言好合若有神靈之契焉憬彼塗泥
是惟淮海襟帶全楚咽喉勁越雖孫權故業久黜霸圖

劉漢餘秋

妖一作

仍多及氣杜伏威初行僭逆輔公柘繼以

亂亡泉藪未懲萑蒲猶在帝思俾又遂紆時哲以本官權
檢校揚州大都督府長史賜錦袍寶帶一具爾乃撫之以
誠恕經之以權畧鈎距閭施旣問羊而知馬網羅潛設亦
因魚而得鴻降北海之渠未踰期月盡一作勤南山之盜詎
假旬時然後商旅安行農桑野次化被三吳之俗威行百
越之境輜軒符節之使復下於蠻陬齒革羽毛之琛還輸
於王國矣始高祖之餞帝也期以半年及江湖旣平帝將
入覲父老數百人詣闕上表乞更留一年潁川之還借寇
恂臨淮之重祈侯霸儔功語德彼獨何人璽書褒焉復留
鎮撫九年太宗以儲宮統事乃徵帝入朝寵賜頻繁事以

殊禮荆河奧壤密邇瀝洛自昔股肱之郡由來戰爭之場
飛水初澄雖免鯨吞之患藜祠未翦尚有狐鳴之妖受委
共康非賢勿授使持節豫息舒道等四州諸軍事豫州都
督賜黃金二百斤朱轡首途吏人抃舞而交謁皂蓋臨府
盜賊驚惶而請命傾巢咸附闔境肅然棄戟捐矛既如張
霸之政術含哺鼓腹更似岑熙之歌詠利州都督義安郡
王孝常稱亂劔南扇動夷落孝常誅死餘黨分竄劫掠未
息朝廷患之太宗傳訪群寮咸以爲非帝不可貞觀元年
拜利隆始靜西龍等六州諸軍事利州都督郡惟遐徼地
實偏陬尋蜀帝新開之途經漢主舊燒之棧渝人竇旅獸
駭禽驚帝招輯叛亡撫循老弱賑其匱乏開其降首百城

而不用群盜束手而來歸弘以善貸之恩赦其既然
之罪未移弦望郡境又安制書褒揚增邑五百戶賜珍物
服玩黃次公政稱長者裂壤開封杜伯侯動無間然賜書
增秩五年改授荆峽澧朗岳果松等七州諸軍事荊州大
都督眷茲上流實惟舊楚接荆臺之跨時連渚宮之形勝
一都之會昔號難治帝仁化久覃威名先著寒帷而十部
咸肅閉閣而萬殊皆理寬力役之事急農桑之業徃園空
而京坻實姦回息而禮義興市不倚門田多讓畔烝人罷
訟詠河上之甘棠游女無思歌漢濱之喬木流化實同於
二陝宣風寧止於六條先是徵屬亢陽頗傷時稼帝乃親
往長沙寺迎阿育王像而祈焉俄而油雲勃興大雨洪澍

倏忽而四境滂霏頃臾而千里霑洽申虔未踰於晷刻降
福邇同於影響一州歎駭稱有神明是知元符未臻且列
於公侯之位帝道潛契實冥於天地之德昔者姬文事紂
行化始自於江池晉武平吳樹勳實由於荆土誠作霸之
基址乃興王之窟宅况復風煙氣色樓臺邇翔鳳之川邑
里光輝阡陌通卧龍之境爰紆不世之主將建非常之業
於是乎百物呈瑞三靈降休游殷朝之白狼止鄆尹之丹
爵含牙之獸遁迹於殊隣同穎之禾垂苗於近甸惠愛之
德著矣皇王之迹兆矣然後白氣流而聖人感黃河清而
聖人生奄有六宮遂荒三象化千乘而爲萬國撫四海而
成一家起藩屏之會昌致寰瀛之景福大矣哉九年唐高
祖崩帝奉諱號慟因以成疾太宗遣名醫診療道路相望
醫以病候將深勸令進藥帝因舉聲大哭嘔血而崩敬想
忠義之風緬惟臣主之分求諸古昔未之聞也特年五十
九遣令歸葬文水因山爲墳穿足容棺斂以時服灞陵之
不載金寶紀市之無變厯肆惟聖達節千載同風於是具
僚失圖闔境哀慟農商號於野士女哭於衢三月停琴瑟
之音再期深考妣之慕寧止東城故老安歌對陳氏之祠
復見南峴吏人垂涕望羊公之碣太宗聞帝崩狀嗟悼久
之一作良久曰可謂忠孝之士乃命史官書之追贈禮部尚書
配食太上皇廟贈物八百段米粟八百石官造靈輦送達
故鄉仍委本州大都督英國公李勣監護喪事緣喪所須

竝令官給遣郎中一人馳驛吊祭謚曰忠孝公禮也天皇
大帝嗣膺乾曆光闡帝猷思盛德而有懷念元功而載佇
求徽元年改贈使持節都督并汾慈嵐四州諸軍事并州
大都督餘竝如故聖上肇開陰耀曜正位坤元末徽六年又
下制贈司空如故顯慶元年又贈司徒改封周國公食邑
四千戶咸亨元年贈太尉兼太子太師太原郡王食邑五
千戶以文水三百戶充奉陵邑置令丞已下官夫源流廣
而津派長枝葉繁而本根茂况立德之祀奄百代而全昌
謀孫之基冠千齡而首出與夫東漢外戚西京異姓不同
年而語矣文明元年皇帝臨朝追崇為魏王食邑一千戶
永昌元年群臣以名號不稱表因請於是上尊號曰忠

孝太皇及鍾石變聲謳歌有奉皇帝欽受終之茂躅御性
新之景命改正朔而營宗廟定郊立而立社稷聿尊故實
光啓鴻名乃奉冊尊太皇為孝明高皇帝陵曰昊陵廟曰
太祖推大功而增大號奉先之義存焉享皇極而配皇天
敬始之誠備矣仍以為千人起邑名未光於寢園萬戶陪
陵班僅齊於令長恩廣崇陽之稱更增奉明之秩聖曆二
年乃下制改昊陵署為攀龍臺加置官屬佐吏灤水將九
河齊濟橋山與四岳爭高然後肅敬之儀旁絕於恒數尊
崇之志上申於罔極蓋天子之孝也庸小人之可談乎初
晉陽懿公既受田於文水有紫氣發於其地上衝太微占
者以為當有聖人與於此邦至是而天下宗周符於所占

矣帝神氣和雅天姿英邁率爾坦易而無廢務儼然威容
實可親昵俾好賢而樂善博識而多聞游談者空慕其風
鑽仰者不知其度若乃觀文察理覩奧鈞深推六畫而見
三才覆四管而窮萬象斯乃皇風之所以際天人也敦本
抑末納祐蠲邪探秘術於九門致成功於六府斯乃大帝
之所以慈氓庶也語竒正縱橫之術論帝王仁義之兵教
龜武熊羆作舟車器械斯乃軒后之所以張武功也溫良
濬哲惇懿文明觀象乎藻火之衣聽言於宮商之律斯乃
媯水之所以昭文德也聲爲律而身爲度勤於國而匱於
家沐雨而櫛風卑宮而菲食斯乃夏王之所以求諸已也
引罪讓德持尊下卑虛襟於藥石之言屈體於芻蕘之議
斯乃商后之所以聽於人也不傲不逸多藝多才求賢
官興法立度通刑政之要達禮樂之情斯乃周公之所以
勤王事也宮牆罕測性道難聞筆削所裁群賢無措言之
地憲章所綴百代成不刊之式斯乃孔宣父之所以正人
倫也兼列聖之純懿總百王之事業時運未集東臯輟鴻
鶴之心天衢旣亨北面就人臣之禮似文命之匡虞曆都
君之輔唐政終能與時俯仰隨運汗隆居位恒屈其身蒞
官必行其道是以參謀帷幄則消薄蝕而殞攬搶助理盭
梅則成雍熙而作舟楫名裕於八能之士德高於五聖之
臣及錫瑞分珪牧州典郡其人變而衆化其政賢而郡美
人稱來晚謳歌迎節傳之車出有去思號泣擁檐帷之路

豈唯南征而北怨固亦西泣而東悲仁覃於雞犬之鄉澤
浸於蟻螻之穴用能摘光表之盛業啓格天之洪緒存膺
顯位彤弓開九命之尊歿享大名紫籙登萬乘之貴豈非
天道人事祐賢福善之徵歟皇帝念過隙之不留哀終天
之罕報欽致孝之前轍一作仰增名之舊式以爲廟堂作
頌公業纔播於朱絲簡書策勲德音不傳於翠琰將謀相
質之事更弘顯達之躅載紆中旨爰命下臣考泗水之遺
風求弇山之故事奉天經而揚詞藻圖帝範而懸金石將
使神功睿業配圓象而照臨茂烈崇徽共方儀而永久跪
承大命而爲頌曰

厥初剖判肇有君臣體國經野司天傷人三微遞襲五運

相因惟德是輔惟乾罔親其一謙莊斯崇荒侈則替金鏡易
失玉儀難繼於皇聖周獨與神契受錄千祀重光百世其二
軒謝擎立辛遷稷升岐山光啓鄴水丕承淳耀中缺靈符
更興三才奄有八景時乘其三方隆慶基誕生睿德齊聖剛
毅欽明柔克行爲天經語成帝則文冠楊史學窮儒墨其四
儷俛三聘觀光九重未交劉徹先揖袁逢路險難進才高
不容言辭吠犬退保潛龍其五人思英雄物疵孤直隨運出
處與時消息遂汨泥沙爰栖枳棘擇木候主搏風舉翼其六
披荆晉野借箸汾圻霍邑通路秦關啓扉策無遺兆慮必
先機漢主分食蕭王解衣其七裂壤疇庸升朝致績勲刻燹
鼎任司衡石玉鉉調梅金壇秉戚職備文武道光帷幪其八

文苑英華卷一百一十五

恩洎同胞禮加內主魚貫納幣鴈行分土外館施衿中臺

曳組榮被親戚慶隆今古其九三事出牧九卿為守憂一作患

人急才屈道資祐淮水卧汲潁川借寇龔遂買牛宋均浮

獸其十荆吳異俗梁豫殊鄉德績均被椒蘭共芳歌迎來軸

泣送歸艤朝禮斯懋宸心孔臧其十一堯得聖臣納諸大麓

舜讓才子止其枚卜况我皇明蕪而韞櫝徒屈時命罔終

天祿其十二戢耀南紀遷神北維二分齊德三馬同基漢曲

圖像江施立祠存流美化歿有餘思其十三欽若大君奄荒

天位率由禮樂仰尊名器裡郊展儀升壇立謚祗敬已洽

孝思無匱其十四衣冠軫慕園寢加隆裸擇殷士歌留沛童

俞山垂裕濟水銘功流德音乎翠琰配貞觀於玄穹其十五

校正四十一字 六月初九日是夜猛雨傾注將達旦

未止近畿將有水災矣可歎

入苑英華卷第八百七十五